

醫
林
一
致

四



醫林一致

暨陽駱登高萊飲甫一字恒園輯著

門人

丁有

曾象辛
光孔章

甫編定

胡世

安文思
昌予延

甫叅閱

男 駱以文來菴甫校訂

腫脹

脹之爲患也。有水與氣。食與鼓。蟲與血之分焉。水脹者。少火衰微。不能溫養脾土。脾土虛寒。水停腸胃。不由中道。漸滲膈外。布散四肢。此水脹之所由成也。其現證也。目窠目下上微腫。如新臥起之狀。皮薄色澤。其頸脉動時欬。陰股間寒。腫則自下而上。或



腫有分界。按之隨手而起。氣脹者。天氣六淫。人身五賊。襲於胃中。胃既受傷。氣不運行。散漫腸胃。併及肌膚。此氣脹之所由成也。其現證也。皮厚色蒼。或一身盡腫。或自上而下。按之窅而不起。小便不利。食脹者。飲食過度。以致傷脾。脾傷則不能運化。積其穀氣。散而爲腫。此食脹之所由成也。其現證也。不欲食。通腹

皆實。鼓脹者。胃氣過盛。

氣脹者多由于氣虛。鼓脹者多由于氣實。

或因怒鬱。或因痰

滯。氣道壅塞。橫行百骸。此鼓脹之所由成也。其現證也。腹皮綳急。彈之有聲。旦食而暮不能食。小便亦不利。手足倦怠。蟲脹者。嗜酒耽辛。肥甘炮炙。濕熱之氣。薰蒸腸胃。化而爲蟲。久則毒氣散漫。此蟲脹之所由成也。其現證也。思食異味。饑則煩而飽則

否。血脹者。怒氣盛。則血菀於營。有所思。則敗精留血。滯於少腹。或菀或滯。皆能壅塞血道。血道既壅。則肌膚之血。不能流行。此血脹之所由成也。其現證也。少腹實。大便難。小便自利。血脹之證。婦人更多。在女科有氣分與血分之殊。氣分者。心胸堅大而病發於上。先病腫脹。而後經斷。血分者。血結胞門。而病發於下。先因經斷。而後腫脹。若夫女人腹脹。內生瘕肉。初如卵大。漸長如子胎狀。按之則堅。推之則移。月事以時下者。名曰腸覃。此非血病。皆由汁沫所聚而生也。若推之不移。月事不以時下者。名曰石瘕。此留血也。是皆可下之證。至於腹滿而痛。有形有塊。按之而痛移者。氣與火也。痛不移者。食與血也。不移而惡食者。食

也不惡食者。血也。此段兼男
女而言

凡諸證候。陰陽虛實。不可不辨。大

抵陽證必熱。熱者多實。陰證必寒。寒者多虛。急速驟至。成於數

日之間者屬實。日積月累。成於經月之後者屬虛。先脹於內而

後腫於外者為實。先腫於外而後脹於內者為虛。小便黃赤。大

便秘結為實。小便清白。大便溏泄為虛。滑數有力為實。弦浮微

細為虛。色紅氣粗為實。色粹氣短為虛。察其實者。直清陽明。反

掌收功。苟涉虛者。溫補脾腎。漸次康復。所謂塞因塞用也。初
服則劇。久服則通。其

有不大實。亦不大虛者。先以清利見功。繼以補中調攝。如大便

不通而精力未衰者宜下。膈間痰壅而脈猶有力者宜吐。暑月

無汗而肌膚色澤者宜汗。小便短赤而便時溫熱者宜利。先喘

而後脹者治在肺。先脹而後喘者治在脾。要而言之。諸經皆有腫脹。而其要綱。則皆脾肺腎三經。蓋脾土主運行。肺金主氣化。腎水主五液。凡五藏所化之液。悉屬於腎。五液所行之氣。悉屬於肺。轉輸二藏以制水生金者。悉屬於脾。故腫脹不外此三經也。若分而言之。上焦脹者屬氣。治又宜在肺。中焦脹者屬物。治又宜在脾。下焦脹者屬水。治又宜在腎也。

膚腫

吳鶴臯曰。凡腫不拘何所。痛者爲實邪。不痛者爲虛邪。腫而赤者爲結熱。不赤者爲留氣。

死候

凡腫脹。四肢不腫。但腹脹者。名曰單腹脹。難愈。水腫。先起于

腹。後散於四肢者。可治。先起於四肢。後歸於腹者。死。身熱

者死。寒熱如瘧者死。便血者死。大便泄而腫不消者死。

陰囊及莖腫腐者死。五傷者死。唇黑或腫肝傷。缺盆平心傷。臍突脾傷。足心平腎傷。

背平
肺傷



腫脹門方

大安丸

治飲食傷脾
致成脹者

山查肉

二兩
炒

白朮

神麴

炒

半夏

製

茯苓

各一兩

陳皮

去白

連翹

蘿蔔子

生用各五錢

雞矢醴散

治血
蠱

大黃

酒潤

桃仁

雞屎

白者酒炒
各等分

為末每服三錢薑

湯下

導水茯苓湯

治遍身腫喘滿小便秘澀
諸藥不效者用此即愈

赤茯苓

麥門冬

澤瀉

白朮

各三兩

紫蘇

桑白皮

檳榔

木瓜

各一兩

大腹皮

陳皮

砂仁



木香

各七錢五分

俱為粗末每服五錢

燈草二十五根水二鍾煎八分連進三服小水漸利

敷藥

治腹滿如石或陰囊腫大先令病人嚼甘草數錢後用敷藥

大戟

芫花

甘遂

海藻

各等分

俱為細末用醃醋調

麵和藥攤於棉紙上覆貼腫處仍以軟綿裹住

舟車神祐丸

去一切水濕痰飲如神

甘遂

芫花

大戟

俱醋炒各一兩

大黃

二兩

黑牽牛

頭末四兩

青皮

陳皮

木香

檳榔

各五錢

輕粉

一錢

俱為細末水丸如椒目大空心服五丸日三服

痞悶者

多服反煩滿宜初服二丸每服加二丸快利為度

戴人

每令病者先服百餘粒繼以濬川等藥投之五更當下種
種病出輕者一二度重者五六度方愈藥雖峻急為效甚
速弱者當依河間漸次而進實者以戴人治之

大聖濬川散

大黃煨

牽牛

取頭尾

郁李仁

各一兩

木香

芒硝

各三錢

甘遂

五分

俱為末薑汁調服戴人每言舟車丸必以濬

川散繼之

雞矢醴法

羯雞尿

白者八合

炒微焦無灰好酒

二碗

煎至碗半濾取汁

五更熱服則腹鳴辰巳時行三二次黑水次日足有縐紋



又飲漸縐至膝上而愈

禹餘糧丸

治水脹之聖藥

蛇含石

大者三兩鐵銚盛燒通紅傾入醋中候冷取出研極細

禹餘糧石

二兩

真針砂

五兩淘淨炒乾用醋二鍾同餘糧銚內煮乾更用銚并藥燒紅傾淨磚地上候冷研極細

羌活

木香

茯苓

川芎

牛膝

酒洗

白荳蔻

桂心

大茴香

炒

蓬朮

炮

附子

炮

乾薑

炮

青皮

京三稜

炮

白蒺藜

當歸

酒洗各五錢

爲末入前三味拌

勻蒸餅丸如梧桐子大食前白湯下三十九至五十九虛

老俱可服最忌食鹽一毫入口發疾愈甚服藥後卽於小

便內旋去不動藏府每日三服更以溫補之藥助之真神

方也

椒仁丸

治先因經水斷絕後至四肢浮腫小便不通血化為水

椒仁

甘遂

續隨子

去皮研

附子

炮

郁李仁

當歸

黑牽牛

炒

五靈脂

研

吳茱萸

玄胡索

各五錢

芫花

醋浸一錢

石膏

二錢

膽礬

信砒

各一錢

蜣青

十枚去頭翅足米炒

蟹螯

十枚製同蜣青

俱為末糊丸如雞豆大每服一丸橘皮湯送下藥雖峻利

所用不多畏而不服有養病害身之患

五皮飲

治脾肺不能行運氣滿皮膚水停不利

大腹皮

洗淨

赤茯苓皮

生薑皮

桑白皮

炒



陳皮 各一錢
五分

日進三服

土狗一名蟒蛄焙乾爲末用上半節卽消上身之水下半節卽
消下半身之水左可消左右可消右方士以此爲神奇

積聚

後世俗名痞

難經曰積者五藏所生其始發有常處其痛不離其部上下有所終始左右有所窮處聚者六府所成其始發無根本上下有所留止其痛無常處

按積聚在人身軀殼之內腸胃之外依附于腸胃迴薄曲折處以為棲止之窠白鶴

臯曰血之所積名曰積氣之所聚名曰聚積者五藏之邪聚者六府之病也

肝之積名曰肥氣在左

脇下如覆杯令人嘔逆或兩脇痛引小腹足寒轉筋肺之積名

曰息賁在右脇下如覆杯氣逆背痛久則喘咳心之積名曰伏

梁起臍上大如臂上至心下久則令人煩心脾之積名曰痞氣

在胃脘大如覆杯痞塞吐瀉久則飲食不為肌膚腎之積名曰

賁豚發於少腹上至心若豚狀上下無時久則喘逆骨痠少氣



癥者。按之應手。亦如五積之不移。癥者熱火薰蒸。汁沫凝於腸胃之外而成。今之所謂瘰癧肉。

是瘕者。假物成形。如血驚石瘕之類。瘕者或因誤吞毛髮而粘滯不出。或因誤食忌物而

藏氣乖違。久則無情而化有情。于是為蛇為鰲。假物而成形也。瘕。皮厚也。在肌肉之間而可見。

者也。瘕者痰流皮膜。依筋而居。初為痰核。久則成瘕。癖者。僻也。內結於隱僻。外不可見

也。癖者在少男思想無窮。所求不得。使精欲出而不得出。在室女天癸將至。或傷冷物。或着氣惱。令血欲行而不得行。多成

于少腹之旁。按經之所論。但分五積。而不及六聚者。何也。蓋積故不可見。

之與聚。動靜雖殊。而藏府之部位則同。故言積而聚在其中。非

五積之外。別有所為六聚也。後人鑿空附會。因積有五藏之分。

遂以為聚有六府之別。而七癥八瘕之說。亦由之而起焉。知將

來。不以為瘕有九。癖有十乎。頭緒多端。使人眩目紛心。非所以



示後學者也。昔東垣所立治積之方。只因五藏之積而立名曰肥氣丸。息賁丸。伏梁丸。痞氣丸。奔豚丸。是得治積之要領。可爲後世之法守。蓋積聚不過一凝結之邪也。非攻不可。治法自是相同。其中或有應分各藏之治。或有應用化痰消食行氣導血之品者。亦惟隨藏所主。隨證加減。以爲引經可耳。蓋人之一身。全賴氣血以養。一有邪干。則氣血不養其身。而反養其邪。是以補其氣血。則邪愈固。攻其邪。則氣血愈衰。治斯證者。亦憂憂乎難矣。故李士材曰。積之始成也。正氣不足。而後邪氣踞之。若不攻去之。邪氣日盛。正氣日衰。喪亡將及矣。然攻之太急。正氣轉傷。初中末之三法。不可不講也。初者病邪初起。正氣尚強。邪氣



尚淺則任受攻。中者受病漸久。邪氣較深。正氣較弱。任受且攻。且補。末者病魔經久。邪氣侵凌。正氣消殘。則任受補。是法雖善。尚未盡美。蓋斯證也。但當以人之壯衰施攻補。不可以邪之新久定強弱也。若氣壯而邪淺者。專攻不必。偏補不可。法當攻補兼行。若氣壯而邪熾者。無俟於補。有待於攻。法當先攻而後補。若氣衰而邪淺者。標可緩圖。本當急固。法當先補而後攻。若氣衰而邪熾者。一加攻伐。速之殞滅。法惟有補而無攻。書曰。治積治聚。一消一補。故士材李氏。又嘗製陰陽二積之劑。曰。藥品稍峻。用之有度。補中數日。然後攻伐。不問其積去多少。又與補中待其神壯。則復攻之。屢攻屢補。以愈半爲期。俟其積去過半。純

